



**Antoninus Diana Panormitanus, Clericus Regularis, Doctor  
Celeberrimus, Coram S. D. N. Alexandro VII. Episcoporum  
Examinator, & Sancti Officij Regni Siciliae Consultor,  
Coordinatus, Seu Omnes ...**

**Diana, Antonino**

**Lugduni, M. DC. LXXX.**

54. An illegitimus dispensatus, ut Clericus fiat, censeatur dispensatus ad omnes Ordines minores, vel tantum ad primam Tonsuram? Et an dispensatus ad Ordines censeatur dispensatus ad Ordines sacros? ...

---

[urn:nbn:de:hbz:466:1-76359](https://nbn-resolving.org/urn:nbn:de:hbz:466:1-76359)

est cum non velle, ut solum cum Ordinibus minori- bus maneat; illa enim dispensatio cum illegitimo ad suscipiendos Ordines absolutè, & sine restrictione aliqua est propositio indefinita, quæ æquivaleret uniuersali, & idè si Pontifex diceret: Ego dispenso cum tali illegitimo, ut recipiat omnes Ordines, Quæ vi- gore talis dispensationis potest talis illegitimus non solum minores, sed etiam maiores suscipere, eodem pacto dicendum est illegitimum posse Ordinem sa- crum recipere si Pontifex cum eo dispenset absolutè, & sine aliqua restrictione, ut Ordines sacros recipiat. Sed ego non discederem à sententia negatiua.

RESOL. LIV.

An illegitimus dispensatus, ut Clericus fiat, censetur dispensatus ad omnes Ordines minores, vel tantum ad primam Tonfuram?

Et an dispensatus ad Ordines censetur dispensatus ad Ordines sacros?

Et quid est dicendum, si Pontifex diceret, dispenso te cum ad omnes Ordines?

Et notatur dispensatum ad Ordines recipiendos non extendi ad beneficium obtinendum.

Et deducitur dispensatum ad Sacerdotium non censeri dispensatum ad beneficium curatum, vel Episcopatum; & dispensatum ad beneficium curatum non intelligi dispensatum ad canonicatum, & idè Regularis illegitimus admissus ad Ordines non potest sine peculiari Summi Pontificis dispensatione admitti ad Prioratum, vel ad aliam dignitatem? Ex p. 9. tr. 8. & Misc. 3. Rel. 22.

Sup. hoc supra in Ref. 49. §. vi. ad medium, à vers. Imo dispensatus. & in Ref. 53. à lin. 4.

§. I. **P** Utat Merolla tom. 2. disp. 4. cap. 6. n. 43. talcm esse restringendam: quia, acceptatione primæ Tonfuræ, verè quis efficitur Clericus, & dispensatio, tanquam odiosa, est adè strictè interpretanda, ut si aliquid operetur, extendenda amplius non sit, ut concedit Sanchez de matrim. lib. 8. disp. 1. n. 3. Idem dicendum existimo, quamuis dispensaretur cum illegitimo, ut ordinetur in Clericum, quidquid dixerit Glossa in cap. Igituras, verb. Ordinari, de fil. Presbyt. quia militat eadem ratio. Nec obstat dictio illa, Ordinetur. Nam etià collatio primæ Tonfuræ, secundum communem vsum loquendi Canonum Ordinato appellatur, ut colligitur aperte ex cap. Cum contingat, de stat. & qualis.

2. Ego verò censo, in tali casu illegitimum sic dispensatum censeri dispensatū ad Ordines minores: quia, quamuis prima Tonfura intra Ordinem clericalem hominem constituat; tamen cum ea dispensatio aliquid beneficij habeat, & sit permissio in genere, permissio quidem in genere mediocritatem respicit, l. finali, §. 1. C. Communis, de legat. & l. Legato generaliter, §. de legat. 1. & Ordines minores medij sunt inter primam Tonfuram, & sacros Ordines. Ergo, &c. Et ita hanc sententiã docet Fagundez in Precept. Eccles. Precept. 5. lib. 1. c. 3. n. 4. & Sanchez lib. 8. d. sp. 1. n. 16.

3. Sed, quid dicendum, an dispensatus ad Ordines, censetur dispensatus ad Ordines sacros? De hac re Alibi in Ref. præterita, & sententiã docere Marchinum de Sacram. Ordin. tr. 1. p. 9. c. 4. n. 10. Quia petens dispensationem illã à Summo Pontifice, intendit eam impetrate pro omnibus sacris Ordinibus: nam cum Episcopus quoad solos minores cum eo dispensare potuisset, nõ recurrisset ad Summum Pontificem, qui, cum absolute ad Ordines cum eo dispense, pro omnibus, & consequenter etiam pro Sacris dispensasse nõ irrationabiliter præsumitur. Secundò licet dispensatio sit odiosa, & idè restringenda; semper tamen debet saluari rigorosa verborū significatio, sed nomine Ordinis in omni rigorosa

Alibi in Ref. præterita, & supra in Ref. 46. §. Vnde, ad medium, à vers. Hinc dicit. & in tom. 5. tr. 5. Ref. 144. §. Sed quia, in principio.

significatione intelliguntur etiam sacri Ordines; qui magis propriè præ cæteris sunt Ordines: imò verbum absolute prolatum rectè intelligitur pro primo analogato, & sic pro sacris Ordinibus. Demum non est verisimile, his petendam esse dispensationem in defectu natalium, primò pro Minoribus, secundò pro Sacris, ita ut post minores adhuc ligatus maneat, nec possit amplius ascendere. Et pro hac sententia citat Marchinus Suarez de censur. disp. 4. 1. sect. 3. n. 3.

4. Verùm Suarez, & magis probabiliter negatiua sententia adheret, ut patet clarè lib. 6. de legibus, cap. 28. n. 16. Item Sanchez ubi supra. Azorius tom. 2. lib. 6. c. 3. q. 6. Reginaldus lib. 30. tr. 2. n. 75. Molfesius tom. 1. tr. 2. c. 16. n. 8. Campanilis Rubr. 1. c. 13. n. 95. & alij penes ipsos. Secus autem dicendum est, si in dispensatione vteretur Pontifex his verbis: Dispenseo tecum ad omnes Ordines. Nam tunc sine dubio hæc dispensatio etiam de omnibus Sacris intelligenda est, ut Sanchez & alij etiam fatentur. Quidquid Syluester, Henriquez, & Sayrus sine fundamento dicat, scilicet, adhuc dispensatione ad omnes minores Ordines esse restringendã.

5. Notandum est etiam hæc obiter pro casibus quotidianis, aliquos asserere, dispensationem ad Ordines recipiendos non extendi ad beneficium obtinendum. Ratio est, quia hæc duo sunt separabilia, & executio vnius potest stare sine alterius executione: & idè hanc sententiã sustinet Glossa in c. 2. de fil. Presbyt. & ibi Geminianus, Tabiena verb. Beneficium, num. 18. Borghasius tr. de irreg. pari. 5. in Rubr. de filiis Presbyt. n. 9. Rebuffus in praxi benefic. tit. de dispensat. super de. sectu natalium, n. 46. Campanilis in diversorio iuris canonici, rub. 11. c. 13. n. 9. quos etiam refert, & sequitur Barbofa de Officio Episcopi, allegat. 45. n. 7. Nicolaus Garcias de beneficiis, part. 1. cap. 6. n. 70. Martinus Antoninus variar. resolut. lib. 1. resolut. 19. num. 10. Azorius Insti. moral. part. 2. lib. 6. c. 3. q. 5. Sed nota, Sanchez lib. 8. disp. 2. n. 27. quoad hoc, distinctionem quandam adducere, quem videbis omnino, & ego illum alibi adduxi.

6. Ex his deducitur, dispensatum ad Sacerdotium, non censeri dispensatum ad beneficium curatum vel Episcopatum; & dispensatum ad beneficium curatum, non intelligi dispensatum ad Canonicatum: quia hæc est dignitas, vel quasi, quæ nõ venit nomine beneficij curati. Dispensatus verò ad matris, censetur dispensatus ad minus; & dispensatus ad vnũ beneficium simplex, vel curatum, censetur dispensatus ad omnia beneficia eiusdem rationis. Ita Campanilis, Barbofa, & alij, ubi supra: Quia dispensatio est exorbitans à Iure, & idè restringenda, ut ea comprehendat, quæ ab iniunctis sunt separabilia. Hinc etiam fit, ut Regularis illegitimus admissus ad Ordines, non possit sine peculiari Summi Pontificis dispensatione admitti ad Prioratum, vel ad aliam dignitatem, ut testantur Nauarrus lib. 5. de irreg. c. 5. 1. n. 13. Sayrus de censuris, lib. 7. c. 14. n. 2.

RESOL. LV.

An dispensatio, ut illegitimus, vel irregularis possit sumere minores Ordines, sit extendenda, ad beneficij simplicis capax sit?

Et aduertitur, quod si Papa dispense cum illegitimo ad beneficium, non possunt per hoc, nisi unum obtinere. Ex part. & tr. 3. Rel. 37.

§. I. **A**ffirmatiuè respondet Emanuel Sà verb. de dispensatione, 14. Sayrus de censur. lib. 7. c. 14. num. 2. & alij. Est ita hanc sententiã probabilem esse putat Merolla tom. 2. disp. 4. c. 6. n. 50.

Sed negatiuè respondendum est cum Patre Thefauro (viro quidem docto) in praxi de penis, part. 2. cap. 2. ubi ait, nonnullos affirmare, quia illegitimus non est incapax beneficij illius, nisi ratione irregu-

Sup. hoc supra in Ref. 49. §. vi. ad medium, à vers. Imo dispensatus. & in Ref. 53. à lin. 4. Alibi in Ref. præterita, & supra in Ref. 46. §. Vnde, ad medium, à vers. Hinc dicit. & in tom. 5. tr. 5. Ref. 144. §. Sed quia, in principio. Sup. hoc in tom. 5. tr. 5. Ref. 144. §. Sed quia, in principio. Sup. hoc in tom. 5. tr. 5. Ref. 144. §. Sed quia, in principio. Sup. hoc in tom. 5. tr. 5. Ref. 144. §. Sed quia, in principio.